



Claudii Fleurii Abbatis Historia Ecclesiastica

Ab anno Christi 1618. usque ad annum 1620

Fleury, Claude

August. Vind. [u.a.], 1777

VD18 90118847

§. 49. Jacobus Daves du Perron Cardinalis functus.

[urn:nbn:de:hbz:466:1-67326](https://nbn-resolving.de/urn:nbn:de:hbz:466:1-67326)

Sæc. XVII. petuæ Abbas , & Episcopus Faventinus
 A. C. 1618. nominaretur, ubi per tredecim annos,
 quibus hanc Ecclesiam texit, nihil omis-
 fit, quod pium, optimumque Pastorem
 deceret. Construxerat etiam ibidem
 Sacellum Divo Carolo Borromæo Sa-
 crum , simulque in Ecclesiam Sancti
 Thomæ induxit Carmelitas Discalceat-
 os. Denique Trivii in patria sua, quo
 recuperandæ valetudinis gratia se con-
 tulerat , die vigesima secunda Augusti
 anno ætatis suæ quinquagesimo quarto
 obiit , ibidem apud S. Mariam Gratia-
 rum sepultus.

§. XLIX.

*Jacobus Daves du Perron Cardina-
 lis fatus funditus.*

*Abrege de
 l'Hist. Eccles.*
 Tom. IO.

Gramond.

Hist. Gall.

Lib. 3.

Ciaccon. vit.

Clem. VIII.

Miræus

Script. Sæcul.

XVII.

Maximum sui desiderium reliquerat Jacobus Daves du Perron ex nobili Normaniæ familia ortus , qui anno Christi millesimo quingentesimo quinquefimo sexto die vigesima quinta Novembbris Bernæ , quo ejus Parentes Calviniana hæresi infecti profugere co- gebantur , primam lucem aspexit. Primam ab infantia ætatem literarum stu- dio applicabat, tanta memoriæ felicite , mentisque acumine præditus, ut omnium scientiarum imperio natus duodecimo ætatis suæ anno in latino

Græco-

Græcoque idiomate necnon in Poesi, Sæc. XVII.
 eloquentia, Mathesi ac Philosophia tam A. C 1618.
 uberes fecerit profectus, ut ad litera-
 riū certamen quoscunque palam pro-
 vocaret. Reddita Calvinistis pace ejus
 Parentes in Normaniam reversi, Juve-
 nem Perronium vicennem Henrico III.
 Galliarum Regi in Blessenibus comitiis
 sīstunt, quibus absolutis Perronius Lu-
 tetiam profectus, die vigesima quinta
 Novembris, anno salutis nostræ mille-
 simo quingentesimo octogesimo tertio
 prandente Rege, cuius animo sese in-
 sinuaverat, adversus Atheos solidissi-
 mis rationibus Dei existentiam compro-
 babat; Rege autem hujus sermonis ef-
 ficaciam deprædicante, Perronius juve-
 nili ardore incensus reposuit: *Si cristi-
 na die Regia sua Majestas me perorantem
 excipere dignabitur, validioribus adhuc ar-
 gumentis, Deum non existere demonstrabo.*
 Imprudens hæc jactantia sibi justam
 Henrici indignationem accersebat: Ad-
 ultior ~~vict~~ factus totum se Sanctorum
 Patrum, & præcipue D. Augustini &
 Thomæ Aquinatis lectioni sacrabat, eo-
 rumque doctrinis sectæ suæ falsitatem,
 erroresque tam solide confutatos de-
 prehendit, ut ad Catholicorum castra
 reversus, ex eodem suggestu, e quo
 contra Orthodoxam fidem antea pero-
 raverat, dein pro illius defensione pub-
 lice

Sæc. XVII. lice loqueretur, pluresque aberrantes
 A. C. 1618. oviculas ad Christi ovile reduceret, ex

*Vid. spond.
epist. ad epit.
Annal. Ba-
ron. edit.
prima.*

quibus haud postremi erant Sancyus,
 & Henricus Spondanus, postea Apa-
 miensis Episcopus: Demum sacræ mili-
 tiæ adscriptus, Henricum IV. Calvi-
 nistam ad fidem Catholicam revocavit,

a quo etiam Ebroicensi Episcopatu, necnon Eleemosynarii dignitate deco-
 ratus, unacum Arnaldo Ossato Cardi-
 nale Romam alegatur, ut Clementem
 VIII. ad impertiendam Regi absolutio-
 nem inclinaret, qua feliciter obtenta
 non modo Romæ a Francisco Joyosa
 Cardinale inaugurabatur, sed ab ipso
 etiam Pontifice annulum Pastoralem ac-
 cipiens, his verbis commendabatur:
Inveni virum secundum cor meum. Inde
 Parisios reversus, Henricum Regem in
 fide quodammodo nutantem firmabat
 gloria disputatione contra Plesse-
 Mornæum tum Calvinistarum caput ad
 Fontembellaquæum habita, in qua illum
 de sexcentis Divi Augustini loci quod bea vi-
 tiatis confudit, plurimumque menda-
 ciorum convicit, ac demum arcte pres-
 sum interrogabat, *an Catholicis desperata
 esset salus?* Calvinista reponebat,
quod ex Dei misericordia salvi esse possent,
 mox autem negante Perronio, *extra
 Ecclesiam Romanam fore salutem, recte con-
 clusit Rex: quandoquidem concordes pro
 salute*

salute Catholicorum utriusque opinionis Do- Sæc. XVII.
ctores sunt, tutius erit Catholicum esse: A. C. 1618.
Hujus victoriæ præmium Perronio erat
Sacri Collegii Purpura; paulopost
Senonum Archiepiscopus Romam a Re-
ge ablegatus Congregationibus de au-
xiliis interfuit, summoque Pontifici au-
tor exstitit, ne Molinæ sententia dam-
naretur, sed tota disputatio silentio in-
volveretur: demum in Franciam rever-
sus, Regis opera Venetorum contro-
versiam ob interdictum exortam com-
posuit, utiliterque Gallici Regni res
Romæ gessit, non modo inter profun-
dissimos Theologiæ Doctores, sed & si-
mul inter Christianos primæ notæ Po-
liticos, quod rarum est, merito nume-
ratus. Demum adversa valetudine
pressus, in Franciam rediit, ubi anno
Incarnationis Dominicæ millesimo sex-
centesimo decimo Ludovico XIII.
persuasit, ut regale Gymnasium in-
stitueretur: biennio post Richerii librum
de Ecclesiastica & Politica potestate in Sy-
nodo suæ Provinciæ Senonensis Parisiis
congregata tanquam erroneum, schif-
maticum & hæreticum condemnabat,
tertio autem post anno in comitiis Re-
gni Lutetiæ habitis nomine Cleri Galli-
cani, orationem luculentissimam, jux-
ta ac doctissimam de re Ecclesiastica ha-
buit, in qua Regiam asserens Majesta-
tem

Sæc. XVII. tem , auctoritatemque , nihil etiam ju-
 A. C. 1618. ri Ecclesiastico detrahebat. Denique
 ut quietius literis invigilaret , prope Lu-
 tetiam Bagnoleti vico suburbano con-
 cessit , ubi cum ad Angliæ Regem re-
 sponsum concinnaret , in morbum inci-
 dit , quo acerbissimo per quatuordecim
 dies cruciatus , Parisiis die quinta Sep-
 tembris anno ætatis suæ sexagesimo ter-
 tio obiit. Fuit sane Perronius eximiis
 animi corporisque prærogativis orna-
 tus , elegantis ingenii & peracuti , fir-
 missimi judicii , indefessi studii , & vastis-
 imæ eruditionis , miræque ad convin-
 cendos sectarios potentiae , adeo , ut
 cum de his a devio tramite revocandis
 ageretur , id dicto usurparet : *Hos si*
convinci cupitis , ad me perducite ; at con-
versos si auetis , dirigite ad Franciscum de
Sales Genevensem Episcopum. Enimvero
 quamplurimis & publicis disputationi-
 bus & colloquiis tum Parisiis tum Me-
 dunti tum ad Sangermanum habitis
 semper victor hærefes debellavit , hæ-
 reticosque gloriose confudit. Ceterum
 Perronio in Eleemosinarii dignitate ad
 votum Patris Arnulphi Jesuitæ , qui Regia
 confessionibus erat , successit Rupifucal-
 dius Cardinalis.

§. L